



أنا فى يوتوبيا

بقلم:

هشام رمضان شحاته

هشام رمضان شحاته

H.r.R.a.Z

السلام عليكم

يمكن تكون مستغرب شوية من العنوانبس أو عدك انك هتستغرب أكثر لما
تقرأ الكتاب للآخر.....

يوتوبيا = أرض الأحلام

أنا محتار الصراحة أكتب مقدمة لكتاب زى دا إزايبس هسيبك أنت وفضولك
.....لو عايز تعرف الكتاب بيتكلم عن ايه اتفضل اقرأأنا غير مستعد بالمرّة
لكى أرهق نفسى لتقرأ، إن كنت ممن يحبّو القراءة فيها ذا كتابى وإن كنت لا فلعل
بدايتك لحبها تكن من هنالـه.....

.....كنت قرّيت كتاب بعنوان يوتوبيا للدكتور أحمد خالد توفيق فالى حدّ ما
صدّقت الأحداثلكن لما روحت ليوتوبيا بنفسى وشوفت الأحداث بعينى إلى حدّ
ما استحكمتُ عقلى.....

*ربما لن تحتاج لشخصٍ يرتّب لك تفاصيل صدفة يُحتمل حدوثها و يُحتمل لا
لكّك بالتأكيد ستحتاج لشخصٍ يروى صدفةً حدثت لك وتأبى إلا أن تتذكّرها.....
وبالأخص إذا احتوت الصدفة على أشخاصٍ غير قابلةٍ للنسيان.....!



H.r....

R.a.Z...

إزيك يا عبد الصمد.....

أهلاً وسـ.....مين؟! متولّى!!.....عامل ايه يا ولد أبوى بالحضن يا وله.....

أنا الحمد لله بخير يا عبد الصمد ، انت عامل ايه وامك واخواتك؟.....

الحمد لله كلهم كويسين ياخويا لسّاك زعلان من أبوك واللى عمله معاك؟!!

لا لا بالعكس أنا نسيت أصلاً.....هو بخير الحمد لله؟.....

ايوه كلنا بخير يا متولّى ياخويا الحمد لله على سلامتك نورت بيتك.....أومال كنت

فين الغيبة الطويلة دى كُلتها ومحدش كان سامعك حس ولا خبر؟!!!.....

أنا كنت فى يوتوبيا يا عبد الصمد.....

كنت فين؟!!!.... تطلع ايه يوتوبيا دى؟! مكان زى الغيط كدا؟! 😞....

لا يا عبد الصمددا مكان مش هيخطر على بالك ولا كان خاطر على بالى أنا

كمان.....

طب احكيلى يا متولّى احكيلى.....

هحكيالك يا عبد الصمد.....هحكيالك.....

” Takhareaf.....”

Takhareef

Takhareef

الفصل الثانى:

دعنى أخلقُ بك يا عبد الصمد إلى حديثٍ يشتاق إليه الكثير من الناسحديث لا يكاد يخلو قلب من زيادة ضرباته عند فتح الطريق إليه.....
جميعنا يجذبنا الجنسفنحن معشر الرجال لن أبالغ فى حديثى لو قلتُ أن نقطة الضعف لدى الكثير منّا هى هذا النوع من الحديث أو الفعل.....

(إنت طالع معايا تانى انهاردا يا متولّى اعمل حسابك علشان رايعين مكان اسمه زيستا.....وماله المكان دا يا محمد؟!.....ملوش يا متولّى بس خد بالك على نفسك لَمَّا نوصل هناك من الحاجات اللي هتشوفها.....
شايف يا متولّى؟!.....شايف ايه يا محمد؟ الخوجاية اللي لابسة مايوه دى هناك ورايحة تنزل البحر؟ احنا مالنا يا محمد احنا جايبين هنا نشغل وبس!.....)

وكأننا فى داخل أحشاء أمٍ ولم نخرج بعدولكن الإختلاف هذه المرة أن هذه الأحشاء تضمّنا جميعاً بهيئتنا بدون ملابس..... هذه أمٌ ترتدى ما ترتديه وكذلك يُقلّدها أبنائها حتى يستطيعوا النزول إلى البحروهذا والدٌ يصحبُ هذه الأم وأبنائه برفقه زميل له وزوجته وأولاده ليناموا فى منزلٍ واحد حتى يستطيعوا الذهاب معاً فى الصباح إلى البحر بملابسٍ قد تكون إنعدمت.....

.....بص كدا هناك يا متولّى على السيّاح دول ومعاهم مصريين بيلعبوا إزاي؟!.....
فين يا محمد متخلونى أشوف معاكوا يا جدعاستنى إنت يا مصطفى علشان متولّى ملوش فى الحاجات دى ومش عايزين نضايقه.....

ملوش فى الحاجات دى!!!! أومال ايه اللي جابهوبعدين لو هو ملوش فى الحاجات دى أنا ليّا يا عم سيبنى أشوف

#ايه الناس دى!!!! هم إزاي بيصوا على دول كدا ومش مكسوفينوإزاي أصلاً دول نفسهم قالعين هدمهم كداهم كل الناس هنا كدا?!.....

.....

ثم ينتهى يوم العمل ولنعد حيث نُقيم

وحتى المكان الذى نسكر فيه لم يسلم من الحديث عن هؤلاء..... (يسطا انهاردا كُنَّا
شغالين عند مكان كانت فيه واحدة برازيليه فرتيكه بنت الذين..... أنا بقى كنت
شغال عند واحدة ألمانية كل شوية تعدى رايحة جاية من قدامى روشتنى بنت
العسل.....)

أنا حقاً مذهول من هؤلاء الناس ومُشتت تماماً..... قلبى يريد أن يبكى..... سأذهب
إلى المسجد الآن لعل روى تسكن..... ما أشد جمال هذا المسجد من الخارج
والداخل والمُصلين الطاهرين الذين فيه كم أعشق هذه الأجواء..... سأعود الآن
إلى مسكنى..... وبينما أسير فى الطريق إذ بى ألمح من بعيد شئ يميل لونه
للإحمرار قليلاً وهو يمشى عكسى تماماً..... إننا نقترّب من بعضنا البعض..... ما
هذا؟! أهذه سائحة تتمشى؟!!!!!..... ماذا سأفعل الآن؟! يجب أن لا أنظر إليها
وأن لا أمر بجوارها..... أخشى أن تُقبّلنى أو تمسك بيدي!!!! أخشى أن تتوجع
وتطلب مساعدتى لكى أوصلها لمنزلها..... مهلاً لقد مرّت بجوارى دون أن
يحدث شئ مما تخيلته..... لما ظننتُ كل هذه الظنون؟!.....

أترسخ الكلام السيئ فى عقلى عن هؤلاء؟!..... ما ذنبى؟ كل من يعملون معى
يقولون أن هؤلاء كذا وكذا وأنا لم أخض التجربة من قبل حتى أشكك فيما
يقولون.....

كان لا يجب علىّ أن أُصدّق

عُدتُ إلى منزلى الآن..... سأرتاح قليلاً بعد أن أقومُ بغسل ملابسى الخاصة
بالعمل.....

دقيقة وراجلك أكملك الحكاية يا عبد الصمد

لا خد هنا يا متولّي دقيقة ايه دا أنا مصدقت إنك وصلت لهنّاكمّل زى مانت
كلامك عن المزز الحلوة دى وإنت قول بس عايز ايه وأنا أجيبهولك لغاية عندك إنت
تؤمر يا سى متولّي كمل أنت بس كمّل

إنت سحت معايا يا عبد الصمد ولا إيه؟! عبد الصمد مين؟!.....

إنت كمان نسيت إسمك يا عبد الصمد؟!.....

لا لا نسيت إسمى إزاي يا متولّي احم احم احم أنا بس تخيلت معاك المواقف مش
أكثر

متولّي مين!!!!!!..... 😂😂😂😂

مانت كمان نسيت إسمك أهو يا متولّي 😂😂😂

واحشنى والله يا عبد الصمد

وإنت كمان والله يا متولّي يا ولد أبوى بس كمّل كمّل علشان متنساش حاجة 😁

.....

.....

.....

.....

شايف يا واد يا متولّى الحنت الطريّة اللي هنا؟!..... والله معارف يا متولّى دول
ماشيين ازاي على كدا.....طب الأجنب نقولوا ملناش دعوة بيهم اتعودوا على
الحاجات الوحشة دي.....لكن المصرية دي عامله فى نفسها كدا ليه.....

(لو سمحت هو مفيش هنا توكتوك؟..... لا يا ستى مفيش هنا بس امشى لقدام شوية
كدا هتلاقى.....تمام شكراً.....على ايدك اليمين.....قدام شوية.....ايوه
ادخلى هنا جوه.....).....ما خلاص يا عم كيمو قتلها قدام وخلاص ولا انت
عايز تفتح حوار بقى 😊 😊..... شايف يا ولدى؟!.....

شايف يا عم كيمو بس ملناش دعوة برضوا ونبص قدامنا أحسن وخلينا فى الشغل ها
..... طب يله ياد قدامى.... يله ياد 😊 😊.

Takhareaf

Takhareef

الفصل الثالث:.....

لم يكن أهل يوتوبيا كلهم كما رأيتولكن كثرة مُتسيبيهم جعلتني أظن التسيب هنا صفة الجميع.....كانت صاحبة الحجاب تمر من حين لآخر وما يُنسيك حجابها هو مرور ثلاثة بعدها بلبسٍ خليعٍ كاد ينعدم.....

(لو سمحت يا استاذ أشرف أنتوا كيتو هنا بالأمس وعملتوا هنا بس الشغل وحش واتخلع مرة تانية مين المسؤول عن دا ؟ وهتصلحوه تانى امتى ؟.....

والله يا ست هانم أنا معرفش بس احنا مينعملش الشغل دا

ازاى مش بتعمل الشغل دا أو مال أنا بتدهكوا أليّا وأدفع هيداشر ألف جنية والشغل ييوظ ؟!!!!!!.....بُس هبيبي مش أينفع تدهكوا أليّامش أنت أندك عقل وهنا أندك قلب ؟!.....يا ست هانم محدش بيضحك عليكى متقوليش كدارُد أليّا مش هنا أندك قلب ؟.....أيوة يا ست هانميعنى فى بنى آدم مينفعش يدهك على بنى آدم أخوه ولو متسرفتوش أنا هتصل بجوزى وهو يتسرّف معاكوا.....)

هذه السيدة التى يحاول المشرف استدراجها لتدفع المزيد من المال.....(بس من حظّه الوحش إنها فاهمه كل حاجة ومش سهل يتضحك عليها 😊).....والتى فور رحيل المشرف إذ بها تُخرج مال لتعطيها لنا (أنا وبين خالتي)وعندما ذهبت لأنهى عملى وجدتها تمسك الكتاب لابنتها وتقرأ لها.....

هم جيّدون ورائعون ومُتفوقون ولكن على طريقتهم وبأسلوبهم الخاص.....فلما نحن لا نبقى على طبيعتنا وإسلوبنالِما نساننا تهوى أن تُصبح كنسائهم.....لِما نساننا لا يمتلكن إسلوبهن الخاص فى الملبس والمشرّب والتعليم والتصرّف.....هم لو همّوا بتقليدنا ما كانوا ليصلوا إلى ما وصلوا إليه.....ونحن عندما شرعنا فى تقليدهم أصبحنا نمشى فى الخلف والوراء دائماً لأن قائدنا الذى يتخذ القرارات ونحن نتّبعه لم يأتى بجديد إلى الآن فعلينا الإنتظار حتى نسير ورائه.....

قُلْتُ حينها هذا الكلام وتمنيت حقاً أن يعُدن نساننا إلى رُشدهن

(الحق يا متولّى عمك عادل تعب وخذته الإسعافإمتى دا يا حسن ؟من قبل ما تيجى إنت من شغلك بشوية هو فى أوضته على كدا روح اسأل عليه.....

ايه يا عم عادل اللي حصل سلامتكوالله يا ولدى دوخت فجأة كدا ولقيت
نفسى واقع فى الأرض.....أنت بتاخذ علاج ضغط يا عم عادل؟.....ايوه انت
عرفت منين؟.....أنا بدرس فى كلية تمريض يا عم عادل حاول إنك متعملش
مجهود كثير ومتشربش قهوة كثير علشان أنا بشوفك على طول بتشرب قهوة وخذ
العلاج فى وقته.....حاضر يا ولدى بس أنا لو أعرف إنك فى كلية تمريض كنت
جبتلك جهاز الضغط بتاعى تتابعنىهاتو يا عم عادل وأنا هتابعك إن شاء الله
بس إنت دلوقتى حاول تريح نفسك كدا ونام شوية.....ماشى يا ولدى (....)

*ربما لن تحتاج لشخصٍ يرتب لك تفاصيل صدفة يُحتمل حدوثها و يُحتمل لا
لكنك بالتأكيد ستحتاج لشخصٍ يروى صدفةً حدثت لك وتأبى إلا أن تتذكرها.....
وبالأخص إذا احتوت الصدفة على أشخاصٍ غير قابلةٍ للنسيان.....!
هذا العم عادل هو الصدفة التى لا تُريد أن تُنسى.....حقاً لقد جعل قلبى ينتفض
ليضح الدم من جديد بعدما علمت أن هناك المزيد من العم عادل فى هذا المكان
أصحاب القلوب التى لا تقسوقلوب بيضاء تريد الخير أينما كان لتعطيه لأى
شخصٍ تُقابله.....

دعنى أحدثك قليلاً عن هذا العم عادلهذه الصدفة التى لم أخل يوماً أنّها
ستحدث لى

بعدما علم أنّى أدرس فى كلية التمريض قرر أن يجلب جهاز قياس الضغط الخاص
به لكى أتابعه وذات يوم بعد صلاة الفجر أخذتُ أمزح معه قائلاً: (ايه أخبار
ضغطك يا عم دوووولةوالله ما عارف يا ولدى تعالى نشوفوه أنا وأنتيله
بيننا يا عم دوووولةوبعد ما شوفنا الضغط وطلع على اتصل بينته هى كمان
دارسة التمريض وموظفة فقالتله اشرب من المسحوق الللى فى البرطمان الللى معاك
..... حاجة كدا أنا أول مرة أشوفها اسمها دومعرفت بعدين إنها كويسة لمرضى
الضغط المرتفع (.....)

وبعد متابعة لعم عادل دامت 3 أيام جه اليوم اللي انصدمت فيه صدمة كبيرة جداً
ولغاية الآن لسه مش مصدق !.....

هممت بقياس الضغط لعم عادل فاذا بي وجدته 130\200 !!!!!!! ما هذا الهراء
!!!!!!..... اتهمت الجهاز بأن به عيب فأعدتُ القياس مرة وإثنتين وثلاثة والنتيجة
واحدة.....

اتهمت نفسي وقلتُ أنّي لستُ في وعيي ولكنّي أرى نفس القراءة أمامي !!.....

يبدو أنّه لا مجال لمزيدٍ من الإتهامات !..... فسألته إن كان يشعر بشئ ما
!.....!فأجابني بأنه فقط مُرهَق !!!!!!!..... (مش حاسس بدوخة يا عم عادل
.....مش حاسس إنك هتقع من طولك ولا هيغمى عليك؟!.....!.....مش حاسس إن
راسك هتتفجر يا عم عادل؟!.....!.....لا أنا بس دا يخ شوية صغيرين!!!!!!
.....إزاي يا عم عادل إزاي!!!!!!..... إحنا لازم ننزل المستشفى دلوقتي
حالاً.....قلّي متقلقش يا ولدي أنا عارف إن في حاجة غريبة !.....أنا مرة قست
الضغط في المستشفى الدكاتره لقيوه واصل ل130\230 وكلهم وقفوا مز هولين ومش
مصدقين حاجة.....ومنهم دكتور قلّي إنت إزاي عايش لحد دلوقتي!!!!!!.....)

*معلومة مهمة جداً درسناها في نقطة الضغط إن ضغط شخص يوصل ل120\200
دى حالة اسمها Hypertensive crisis وفي الحالة دى يا تلحق الشخص دا يا
متلحقوش إلا ومعاه نزيف داخلي.....إنما عم عادل دا كسر كل قوانين الطب
الخاصة بالضغط!!!!!!.....(ولكل قاعدة شواذ كما نعلم)

هذا العم عادل الذي لم يُرد عقلي جعله ذكرى ومضت..... لمّا أتى موعد أذان
المغرب وكل موعد أذان كان يخرج مُشمراً ثيابه ويطرق كل باب غرفةٍ لنا ليتوضئ
كل واحدٍ منّا فقد أتى موعد الصلاة.....وذاوات مرة لم يكن الإمام الذي يُصلّي بنا
موجود فلا بُد أن يتقدم واحد منّا.....أخذ العم عادل يُقدمنى حتّى تقدمت.....
فصلّيتُ بهم المغرب وإذ بالعم عادل في قمّةٍ من الخشوع والتأثر ويقول لى (ما شاء
الله عليك يا ولدي إنت لازم تصلّي بينا على طول.....من إنهاردا إنت الإمام
بتاعنا..... لا يا عم عادل إحنا كلنا بنصلّي عادى علشان محدش يزهد بس وكدا

فالحمد لله يعنى فى ناس كثير صوتها حلو هنا ما شاء الله لكن معلش بلاش أنا تثبتونى
إمام رجاءاً.....)

(والله لو علم هؤلاء ما أخفاه الله عليهم منى لَمَا سمحوا لى بأن أُصلّى معهم 😞 إنه
سِتر الله ولا شئ غيرَه

وَيَقُولُ عم عادل هذا لى جعلنى أفكر كثيراً قبل الخروج إلى عملى وكيف
أتصرف إن واجهت بعض الصعاب أو المعاصى..... ربّما قولٌ تحسبه أنت بجهلك
لا ينفَع ولكن سواه قولٌ لا يُجدى ولا ينفَع

(بقلك يا عم عادل إنت معاك أولاد صح؟.....ايوهطب أنا عايز أتكلم مع واحد
منهم معلش ممكن يا عم دوووولة؟.....وصح يا عم عادل أنا بقول يعنى مش لازم
الشغل وأنت سنك ما شاء الله تبارك الله واصل 80 سنة فياريت يعنى بلاش تعب
ومجهود وكداإنت فاكرنى جاى أشتغل علشان الفلوس؟!!!! أنا معايا
بنت وولدين مجوزهم وكل واحد جايبه فيهم عربيةمعايا بنت مجوزها وأنا
اللى مشتري الشقة ليها هى وجوزها مع إن المفروض الشقة يجبها جوزها
.....حاطط لكل واحد حساب فى البنك خاص بيه يقضيه سنين وسنين
معايا فلوس لو ولّعت فيها مش هتخلصالعربية المرسيدس اللى بتيجى كل
فترة هنا دى بتاعتى أنا الخاصة بياأنا يا ولدى مش محتاج لشغل ولا محتاج
لفلوس أنا بس كل اللى عايزه إنى بحب أشتغل أو عى تكون فاكِر إنى جاى
المكان دا علشان محتاج فلوس من الناس دول ؟!!!!!! عم عادل !.... عم
عادل!....بالله عليك ما تتعصب إنت مفهمتنيش صح وأنا عايز أقالك إيهصدقنى

يا عم عادل مش دا خالص قصدى ولكن أنا على صحتك وإنك فعلاً محتاج ترتاح
خاصةً الفترة اللى جاية دى جداً لكن والله والله ما أقصد أى حاجة يا عم عادل تزعلك
.....وسامحنى لو زعلتك حقك علياً وأدى راسك أهى يا عم عادل أبوسها
.....ربنا يحفظك ويبارك فيك يا عم عادل بس والله أنا خايف عليك مش أكثر

هَدِي شوية الحمد لله وبعدها الأذان آذن فقلته أنا رايح أُصلّى معلشإنت
مش هتصلّى معانا يا ولدى؟.....لا يا عم عادل هصلّى فى المسجد أنا دلوقتى معلش
.....كان نفسى آجى أُصلّى معاكوا فى المسجد بس أنا مينفعش أمشى المسافة دى
كلها علشان الضغطلا صلّى هنا يا عم عادل مع باقى الشباب وأنا هروح

المسجد (إن الله يُحبُّ أن تُؤتى رُخصته كما يُحب أن تُؤتى فرائضه)
قالها الإمام اللي كان بيصلى بينا لعم عادل علشان يطمنه ويخليه يصلى معاهم فى
السكن وسبتهم أنا وروحت أتمشى للمسجد)

ما هذا !!!حقاً أنا لم أقصد أن أز عج العم عادل بقولىأتوصلت بى
الحماقة لهذه الدرجة !!!.....إنه رجلٌ جميل وما رأيت جميلٌ مثلهلكنى
أضعفُ أمام من أحبهمأعترف أنى خفتُ عليه كثيراً.....أعترف أنى
أحببتهوأنا أكره نفسى حقاً عندما أحب أحد !!!!!!!.....

يا لكى من دموعٍ سخيقة 😞 ما الذى أتى بكِ الآن؟! أهذا هو الوقت المناسب
؟! هذه الدموع الحمقاء التى طالما نزلت من عيني أعلم وقتها أن عقلى يُريد إخبارى
أنى الأحمق وليست دموعى

لما لا يفهم محبوبى أن تصرفى معه هذا لا يُعبّرُ إلا على حبى له ولكن
ماذا أقول لنفسى أنا أعلم أنى فى كل مرة أتعلق فيها بأحدٍ أكره دائماً نفسى أشعر
بالألم كثيراًأعانى من أشياء أظن لا أحد يفهمها غيرى لذا أنا الذى يعانى منها
وحيداً.....

حفظك الله يا عم عادل وراعاك وبارك فى عمرك وشفاك ولطريق الحق هداك....
الآن أنا اقتربت من المسجدالله أكبر.....الله أكبروها هو الأذان...

.....

متولّى إنت بتبكى؟!ههههههه لا يا عبد الصمد مش ببكى 😊

لا إنت بتبكى يا متولّىخلاص قوم دلوقتى نشرب حاجة وكملى الحكاية بعدين
..... عم عادل وحشنى جداً يا عبد الصمدمتصل بيه طيب يا متولّى !!

حاضر هقوم أكلمه دلوقتى وأكمل كلامى معاك بعدين

آووووسلام عليكم يا عم عادل عامل ايه؟ أهلاااا ولدى حبيبي متولّى.....

Takhareef

الفصل الرابع:.....

وما الكبير إلا صغير فى جسد كبير.....

وها أنا الآن استيقظتُ من نومى لأذهب للعمل..... لكن لحظة ما زال الوقت مبكر ولم يأتِ موعد العمل بعد!..... سأذهب إلى البلونة الآن.....

الجو حقاً هنا جميل جداً ورائع..... توجد شجرة رائعة بجوار سكنى وترتفع لتصل فروعها بجانب الشرفة..... ما هذا؟ أهذه قطة؟! ولما تبدو غريبة ورائعة بهذا الشكل!!!..... مهلاً لقد تعودت أن أرى كل شئ هنا غريب وجميل.....

إنها خائفة الآن..... لقد تسلقت الشجرة مُسرعة لأعلى..... هناك كلب وصل لمكانها الذى كانت فيه وهو الآن ينظر إليها لأعلى ولا يستطيع الصعود..... وهى أيضاً تنظر إليه..... كأنها تقول له (لو راجل اطلعلى فوق يا كلب يا بن ال..... 😊).....

جاء موعد العمل الآن..... (متولّى إنت انهاردا مش هتيجى معايا الشغل أنا معايا واحد مكانك وهشوفلك واحد تطلع معاه..... عادى يا محمد مفيش مشاكل..... أهو عمك يوسف اطلع معاه..... تمام.....)

هذا العم يوسف يبلغ 45 عام وإن قلتُ أنه وُلِدَ وهو يضحك لَمَّا بالغتُ فى قولى..... عرفتُ أنه يسكن قريباً من بلدتى وهو أيضاً أتى إلى هنا لكى يعمل.....

(إيه الأخبار يا عم يوسف أنا متولّى اللى هبقى معاك انهاردا إن شاء الله..... حبيبي يا متولّى وإن شاء الله حبايب يا غالى..... حبيبي يا عم يوسف..... بتعمل إيه يا متولّى؟..... رايح أجهّز عدّة الشغل عشان نشتغل!..... طب اقعد يا راجل خد نفسك الأول ونشرب شاي وبعد كدا الشغل مش هيطير..... يا مُسهل ماشى يا عم يوسف بس خلى بالك أنا بحب الشغل 😊..... ماشى نشربوا شاي الأول ونقوموا نشتغلوا.....)

هذه المطاعم والكافيهات التي لو قلتُ أنني حلمتُ بها أو أتى رسمتها في خيالي لعلم كل من يسمعني أتى أكذب..... ليس لأتّى لم أحلم بها حقاً بل لأتّى لم أكن أستطع أن أحلم أو أتخيل جمال بمثل هذه الروعة والتصاميم

(وياللى ع الترة حود ع المالحإنت بتقول ايه يا عم يوسف؟! ههههههههه.....
بغنى يا متولّى ايه منعوا الغنى؟! 😊..... نهارك فل يا عم يوسف تصدق لو الأجانب سمعوك هيتلموا علينا ويفضلوا يغنوا معنا ههههههههه..... ايوه يا متولّى ونجيب عصايتين أنا وأنت و نرقصوا ههههههههه)

ثم بدأ العمل الجد وانهمك العم يوسف فى العمل حتى أتى موعد الغداء(عم يوسف يله عشان نتغدوا؟!.....ما شى يا متولّى يله بيناويا مهلبية يا...رز على ملوخية يا يا عم يوسف هموت من الضحك مش قادر امسك نفسى احنا قدام اجانب ههههههههههههه.....بس اسكت يا متولّى سيبنى اضحك واهيص شوية عشان بعد شوية هنكد على نفسى و عليك وأبدء أتخفق فسيبنى دلوقتى أكمل ضحك بالمرّة ههههههههههههه.....اضحك يا عم يوسف اضحك ربنا يسعدك)

وكالعادة لم ولن يخلُ إنسان من قصة غامضةٍ يمتلكها تُنغص عليه حياته حين يتذكّر ها عفواً حين يذكرها لأنه لم ينسها قط.....

وفى اليوم التالى من العمل أتى العم يوسف وهو يحمل عبئاً ثقيلاً من الهموم ليفتح لى أبواب قلبه ويبدأ الحديث:.....(عارف يا متولّى أنا مش بتكلم مع أى حد خالص عن مشاكلى واللى حاصل معايا بس أنا حاسس بطريقة أو بأخرى إنى مرتاحلك ومحتاج أتكلم معاك شويةيا سلام وأنا سامعك أكيد يا عم يوسف فى أى وقت براحتك وأنا زى ابنك كرولس ع فكرة (العم يوسف نصرأتى).....حبيبي يا متولّى بس هو أوقات الواحد كذا يفكر فى كذا حاجة ومش عارف هو يفكر فى ايهبيحس كل حاجة داخله فى بعضهايعنى أنا يا متولّى ساعات بحس إن راسى هتتفجر من كتر التفكير فى كذا موضوع مع بعض وبكون عايز اخلى دماغى تبطل تفكير بس مش بعرف إلا بطريقة واحدةإنى أبكى يا متولى.....) ثم استدار إلى الجانب الآخر لكى لا أرى عينيه وقال لى (أهو أنا دلوقتى يا متولّى عايز أبكىهووووووووه)....ثم ذهب بعيداً حتى اختفى من أمامىاحترمت شعوره هذا ولم أذهب ورائهتركته يأخذ وقته وليبكى

كما شاء أن يبكى ثم عاد بعد بضع من الدقائق ليقول لى : (ابيبييه يا متولّى
تلاقيك قلت راح فين الراجل دا ؟...وبدأ يضحك لا لا عادى براحتك يا عم
يوسف خد وقتكالإنسان محتاج من وقت للتانى إنّه يفضفض ويطلع اللى جواه
وانت لقيتتى قدامك فقلبك انفتح وابتديت تطلع اللى جواكوأنا فعلاً مبسوط يا عم
يوسف إتنى قدرت بطريقة أو بأخرى أخليك تفضفض شوية عن اللى جواك.....
حبيبي يا متولّىأنا أوقات كثيرة يا متولّى مش بعرف أنا من كتر التفكير وبفضل
أغلب الليل وأنا دموعى على عيني مش قادر أبطل بكاء..... لا يا عم يوسف من
انهاردا لو احتجت تفضفض أنا ساكن فى المبنى اللى جنبك انهلى فى أى وقت وأنا
هسمعك زى ما تحبمتحرمش منك يا متولّىبس متعرفش
يا متولّى أنا مالى ؟أبدأ يا عم يوسف انت بس معاك شوية هموم وعندك
تفكير زيادة شوية يعنى أنت بتفكر تفكير مُفرط فى كل حاجة بتقابلك فعلا
والله يا متولّى أنا بفكر فى الحاجة مرة واتنين وتلاتة وكثير ومش بقدر احوش نفسى
.....

أشعر بما تشعر به أيها العم يوسف..... هذا الشعور لم يكن يكدر يفارقنى من
قبل.....

(المهم يا متولّى أنا لو احتجتك فى خدمة بخصوص مهنتك هتخدمنى ؟!يا
سلام عينيا ليك يا عم يوسف أنا ومهنتى هههههههه..... حبيبي يا متولّى).

.....

.....

.....

Takhareef

الفصل الخامس:.....

هذه اليوتوبيا التي لطالما أبكتني من مشاعر قد استنارت بداخلي من جمال نقاء هوائها وطبيعتها الخلابة والصدقات الجميلة التي كوَّنتها هناك.....

وأيضاً الذكريات التي أمتلكها منذ البداية..... أظنّها وجدت طريقها للخروج الآن.....
عن وقتٍ طال وأنا مُستلقٍ على الوسادة لا أفعل شيئاً ولا أعلم أين أنا؟ أنا مُستلقٍ
على الوسادة حقاً كما أبدو أم أننى فى عالم آخر..... شارِد الذهن أفكرُ فيمن
استمال قلبي يوماً.....

أتذكّر دموعى التي كنتُ أنرفها فى وقت إنهماكى بالعمل..... أتذكر تلك الحسرة
التي كانت تتنابنى رُغم مُحاولاتى التي لم تكن غير أنها فاشلة فى إخماد شئٍ لن
يُخمد.....

(بقلّك يا ولدى إنت صاحى؟ اها... احم... احم..... ايوه إتفضل يا عم عادل....
معلش يا ولدى لو تتعب وتيجى تقيسلى الضغط كدا نشوفه؟ اه ماشى تمامجاي
أهو معلش نسيتهك يا عم عادل كنت بفكر فى حاجة شغلانى شوية.....)

.....

فى الواقع أنا أيضاً لدىّ ذكريات..... أو قلّ الآم لم يشعر بها سواى
من قد يتفهم أن الضوضاء تجعلنى وحش أصرخ فى أى شخصٍ أمامى من قد
يتفهم أنى أكره أى حديث يُشابه حديثاً آلمنى فى الماضى..... من قد يتفهم أن قلبى
الآن ينزف بعدما تم استنزافه وإهدار طاقته بالكامل.....

من قد يتفهم أن صمتى لا يعنى أننى احتقرك وما هو إلا نتاج لثورة تشتعل بداخلي
..... ثورة الحكّام فيها ضدى والمتظاهرون أيضاً وأنا لا أدرى إلى من أنتمى
؟..... إلى الحكّام الذين هم ضدى أم إلى المتظاهرين؟.....

أردتُ أن أسمع !!!! هذا كل ما أردت لا أعتقد أن هذا صعب لكى أحصل عليه!

لكنّ الصعب لم يكن حصولي على مُسْتَمِع بل أن يجد المُسْتَمِع لى كلاما ليسمعه.....
الحديث أصبح مُخيفاً بالنسبة لىأخشى قولى أننى الآن خائف.....ولكنى أريد
أن أتحدث فأنا لم أعد أطيق صمتى الثرثار.....لم أعد أطيق خوفى
ولكن الخوف أحياناً يتطلب الكثير من الشجاعة للبوح به.....

(ايه يا متولى مش هتنزل انهاردا الشغل ولا ايه؟!.....ها؟ يا نهار مش فايت دا أنا
أتأخرت شكلىهقوم أهو وطالع على طول)
أثناء سيرى فى الطريق.....

أووووووووووو وبعدين فى أفكارى اللى مش راضية تسكت!.....

(السلام عليكمعليكم السلام ورحمة الله وبركاته ايه الأخبار يا متولى؟
.....الحمد لله بخير يا محمد يلا بينا نركب عربية الشغل أنا كنت فاكِر نفسى
أتأخرت.....ماشى يلا يا متولى.)

أعترفُ للعم يوسف أنه كان رجلاً شجاعاً جداً عندما أخبرنى بما يُنغص عليه حياته
حقاً؟!.....كيف أخبرنى بكل ما أخبرنى به؟.....أظن أنه نادى الآن على
إخبارى أظنه يُريد قتلى الآن لأن ما يدور بداخله الآن يعلمه شخص آخر.....
رأيت دموعك أيها العم يوسف ولا أعتقد أنك سعيد الآن لأنك قد ضعفت أمامى ولم
تتمالك نفسكوجدت شخصاً يستمع إليك كما تُريد بل وأيضاً يستطيع التجاوب
معك كما تُريد فلم يستطع لسانك التعبير وتركت الأمر لعينك.....

أكره تلك اللحظات التى يعجز لسانى فيها عن التعبير وتتولى الأمر عيناي بدلاً منه
....

أراهم الآنأرى هؤلاء الذين يتألمونأرى هذا الجد الذى يبكىأرى
هذا الشاب قليل الحيل وهو غارق فى متاهته يُفكر.....وأرى هذا الزوج الذى لم
يجد طبيبا لدموعه غير الحشيش والمخدروالزوج الآخر الذى وجد دواء مع
فتاة أخرى غير زوجته.....وأرانى الآن.....والآن فقط أنا أرانى ولم

أجد لى طبيبا وأيضا لا أريد تجربة دواء من دون استشارة طبيّة كما هم فعلوا
فأصيبوا بداء جديد.....

أنا الآن أنزفولكن السؤال لِمَا أشعر بأنى أنزف الآن ؟ألم أكن أنزف
من قبل؟! هل بكائى من قبل كان أكذوبة اخترعها عقلى وصدّقتها؟!
أم أن شعورى قد تحرر عندما رأيتهم ينزفون؟!فاستأنس شعورى بهم ولم يقبل
غير الخروج!

Takhareaf

Takhareef

الفصل السادس.....

والآن أنا أفكر فى الرحيل من هذا المكان.....حقا لقد اشتقت لبلدتى.....اشتقت لأسرتى.....اشتقت لرائحة الهواء التى اعتدت عليها فأنا لم أعتد على نقاء الهواء كما هو الحال هنا فى يوتوبيا فالهواء تقريبا هو الشئ الوحيد النقى أما غير ذلك فلا.

أظننى سأرحل من هنا بعد يومين ولن أذهب إلى العمل اليوم ولا الغد حتى أستعد للرحيل.....

أتساءل لما طال هذا اليوم؟! لِمَا لم يمر كغيره من الأيام..... أظننى لن أنتظر يومين لكى أرحل فهذه مدة طويلة لا أقدر عليها..... أظننى سأرحل غدا.

الغد أيضا هو مدة طويلة ولا أستطيع الإنتظار حتى يأتى لكى أرحل أظننى سأرحل بعد ساعتين.....أظننى.....أظننى سأرحل الآن.....

أنا فى يوتوبيا

الفصل الأول: ----- 5

الفصل الثانى: ----- 9

الفصل الثالث: ----- 16

الفصل الرابع: ----- 22

الفصل الخامس: ----- 26

الفصل السادس: ----- 30

Takhareef

لست أدري أكنت أنا الذى يكتب أم أنى كنت أحلم..... وأيضاً لست أدري أوتوبيا
هذه زرتها حقاً أم كل هذا من وحى الخيال ولم أكن أنا الذى عاصر الأحداث.....

فكعادتى لن أعتبر كل كتاباتى غير أنها تخاريف لم تصدر عن عقل واعى بما يحدث
من حوله.....

والآن انس كل ما قرأت ولا تتذكر منه شئ أبداً..... لا تتذكر منه حتى حرف واحد
فأنا لا أكتب غير التخاريف التى لا يمكن تصديقها. (عدا المحتوى الدينى).

The End

*ربما لن تحتاج لشخصٍ يرتب لك تفاصيل صدفةٍ يُحتمل حدوثها و يُحتمل لا
لكّك بالتأكيد ستحتاج لشخصٍ يروى صدفةً حدثت لك وتأبى إلا أن تتذكرها.....
وبالأخص إذا احتوت الصدفة على أشخاصٍ غير قابلةٍ للنسيان.....!

على تيليجرام بس خليك فاكر
الدينى بعتها تخاريف.



هيشرفنى انضمامك لقناتى
أنا كل كتاباتى غير المحتوى

<https://t.me/Takhareaf>

الرابط: